

hoc totum ideo est factum quia locus ille propter A Simoniacos abbates pene absque religione et sinc regula S. Benedicti manebat; et ideo quicumque adjutores et fautores ad hoc opus prædicto factum extiterint, et adjutorium regulariter ibi degentibus impenderint, in primis benedictionem a Deo accipient, et omnibus orationibus ac bonis operibus quæ in prælibato monasterio factæ fuerint, sive in monasterio Massiliensi et (4) Tomeriensi, Sanctæque Mariae Crassæ, sanctique Cucuphati (5) de Vallense et in Ausonensi sede, sive in omnibus eellis supradictorum cœnobiorum, partem et societatem habeant, et insuper æternam retributionem acquirant. Quicunque etiam huic nostræ institutioni contrarii fuerint, et disrumpere, instigante diabolo, per aliquam occasionem tentaverint, iram Dei incurvant, et omnibus sacrilegis et in inferno damnatis socii maneant, nisi resipuerint et ad satisfactionem venerint. Quod est

(4) Tomeriense S. Pauli monasterium olim insigne ordinis S. Benedicti in diœcesi Narbonensi, in sedem episcopalem metropolis Narbonensis suffraganeam erectum fuit a Joanne xxii perseverantibus nihilo minus in eo monachis, qui anno duntaxat 1615 sæculari toga a Paulo V donati sunt.

(5) S. Cucuphati monasterium in pago Wallensi

factum v. Kalendas Januarii anno 1070 ab Incarnatione Christi, anno x Philippi regis. Sig † num Bernardi comitis qui hanc largitionis scripturam scribere jussi in Rivopolentino capitulo coram omnibus solito signo manibus propriis firmavi. † Willelmus gratia Dei episcopus Ausonensis ecclesiæ firmavi. † Andreas (6) abbas S. Johannis firmavi. † Bernardus levita et canonicus firmavi, Heribaldus sedis Ausone canonicus firmavi, Willelmus primicerius firmavi. Sig † num Raymundi vicecomitis Cardonensis, sig † num Udalardi Bernardi, sig † num Petri Bernardi, sig † num Bernardi Wifredi de Porcella, sig † num Pontii Blidgarii, sig † num Arnaldi Arnaldi, sig † num Petri Adalberti, sig † num Udalardi Gaufredi, sig † num Guillelmi Bernardi archidiaconi de Guardia, sig † num Bernardi Raymundi fratris ejus, sig † num Bernardi Mironi. Bernardus monachus qui hanc largitionis scripturam scripsit.

exstruxerat Ludovicus Pius, quod a paganis eversum rex Lotharius restituit.

(6) Hic abbas Andreas suscripsit etiam anno 1056 conventionibus initis inter Raimundum Berengarii comitem Barcinensem, et Ermensindem comitissam aviam ejus.

ANNO DOMINI MLXXXV

# SANCTUS ANASTASIUS

MONACHUS ET EREMITA.

## VITA SANCTI ANASTASII

AUCTORE GALTERO.

(Apud MABILL. Acta SS. ord. S. Bened., sæculi VI, parte II, pag. 487, ex ms. codice ecclesiæ S. Martini Doydensis.

## ORSERVATIONES PRÆVIÆ.

1. Ignotum hue usque in fastis Benedictinis sanctum Anastasium hic proferimus, cuius Vitam Galterius, auctor nobis antea incognitus, sed ut ex ipsius Vitæ contextu patet gravis, haud multo post beati viri obitum, nisi fallor, conscripsit. Hanc vero Vitam debemus illustrissimo Ecclesiæ principi Antonio Petro Bertier Rivensem antistiti, qui codicem ms. in quo ipsa habetur, ex ecclesia paroœciali Sancti Martini Doydensis acceptum humanissime cum uno e nostris communicavit, quam ille statim exscriptam ad nos transmisit, Actis sanctorum ordinis nostri inserendam.

C 2. Haud expressit Vitæ auctor quis annus fuerit beato viro extremus, nec aliunde nobis suppetunt vetera instrumenta, ex quibus is nobis innotescat; quare investigandum est utrumne ex ejus vita circumstantiis aliquid lucis in hac rerum ambage habere possimus. Illæ nempe certis alligatæ temporibus ad determinandam reliquarum actionum seriem usui esse poterunt. Discimus itaque ex ipsa Vita beatum Anastasium circa sæculi hujus undecimi medium in monasterium Sancti Michaelis, in Periculo Maris dictum, secessisse, eo scilicet tempore quo abbas Simoniacæ labæ infectus, cuius nomen auctor retinuit,

eidem cœnobio præterat. Hoc autem anno circiter 1058, aut sequenti, contigisse conjicimus quod, his duobus annis, nullus in catalogis aut veteribus instrumentis monasterii Sancti Michaelis abbas memoratus occurrat, quod forte Simonia notatus inter ejusdem loci abbates locum non meruerit. Et quidem cæteros abbates, qui eidem monasterio hoc sæculo præsuerunt, Simoniaca peste tactos fuisse nusquam legimus. Scimus Arturum Monasterium Neustrie piae auctorem Fulconem quendam hoc biennio Sancti Michaelis abbatem induxisse, qui, inquit, anno 1059, *Philippi regis coronationi adfuit; ex quo patet hanc abbatiam duobus annis haud vacasse.* At non advertit illa auctor Fulconem *abbam Sancti Michaelis*, qui Philippi inaugurationi interfuit, non monasterii Sancti Michaelis de Monte, sed Sancti Michaelis in Theorascia diœcesis Laudunensis abbatem fuisse. Quod certum est non solum ex vulgatis Sancti Michaelis in Theorascia abbatum catalogis, sed etiam ex ipso coronationis Philippi regis instrumento apud Chesnium in Historicis Francie, et Marlotum in metropoli Remensi relato, ubi diserte Fulco *abbas Sancti Michaelis Laudunensis* appellatur. Licet hæc vox *Laudunensis*, nescimus quo casu e Philippi Labbei calamo, tom. IX Conciliorum, exciderit.

3. Aliam deprehendimus temporis notam in beati Anastasii Vita, repetitam scilicet ex ejus in Hispaniam profectione, quam jubeente Gregorio VII summo pontifice, et mittente Hugone abbe Cluniacensi, ab eo susceptam fuisse testatur idem Vitæ auctor. Hoc autem iter anno circiter 1074 consignamus, scilicet paulo post Alfonsi regis restitutionem, cum Gregorius jam secundum pontificatus sui annum attigisset. Non enim Anastasium ex iis fuisse censemus, quos postea sanctus Hugo in Hispaniam transmisit, ut ibi disciplinam monasticam restaurarent. Isti . C

A nempe in Hispaniis permanserunt, variis monasteriis de novo construendis aut certe veteribus restaurandis intenti; quorum etiam plerique ad episcopales insulas erecti sunt. At Anastasius eo solummodo profectus fuerat, ut Sarracenis Christi Evangelium nuntiaret; hinc cum se incassum laborare advertisset, in Gallias repedavit.

4. His itaque statutis, cum ex Vitæ auctore discimus Anastasium ex Hispania reversum septem annos Cluniaci ac tres alios in solitudine transegisse, jam decem annos supra 1074 habemus; quibus si unum aut alterum adjiciamus, quos in itineribus vel etiam in Hispania verbi divini prædicationi incumbens consumperit, conjicimus hecatum virum anno circiter 1086 ad superos abiisse, quem quidem annum, donec certiora occurrant monumenta, retinere visum est.

5. Hujus sancti viri nomen nullum, quod quidem sciamus. martyrologium exhibet, nequidem Benedictum. Colitur tamen in ecclesia parœcuali Sancti Martini Doydensis (*Doydes*), seu, ut habet vitæ auctor, *Devotensis*, in diœcesi Rivense (*Rieux*), ubi integrum ejus sacrum corpus asservatum est ad sæculum decimum sextum, quo a furentibus Calvinianis hæreticis dissipatum est, præter aliquot ejus particulas in seruicio argenteo inclusas, quæ a fidelibus eorum furori subductæ sunt et in loco tuto repositæ. Has ab aliquot annis invisit illustrissimus antistes Rivense supra laudatus, suaque auctoritate recognitas et approbat: s fidelium venerationi exhiberi permisit. Hand procul ab eo vico visiter fons Sancti Anastasii vulgo nuncupatus quo sitim suum vir sanctus aliquando extinxisse memoratur. Frequentatur vero a vicinis populis, quod ejus aquæ haustu febrium ardores sedari dicantur; quod multorum experimento certum esse tradunt.

## INCIPIT PROLOGUS.

1. Galterius Petro Devotensis Ecclesiæ subdiacono, et fratri ejus Bernardo, in omnibus prosperitatem, et ad effectum perducere bonam devotionem. Cogit me, dum impensius instantes rogatis, ut ad ædificationem posteriorum tradam memorie calamo Vilam beati Anastasii confessoris. Et a me sine difficultate non video posse sifferri, nec meis viribus competit ne vita sancti viri culpa ingenii scriptoris potius videatur atteri quam in majus celebrari. Ne tamen vestræ petitioni videar contraire, cui, etsi parum idoneus, debeo in omnibus obtemperare, quod dissuadet aviditas ingenii, aggrediar tutus præsidio vestræ jussionis; etenim si quid sum, si quid valeo, Domino imputare debeo. Præterea cum me profitear amicum vestrum, non decet ut omittam, si in aliquo vobis quovis modo obsequi possum; cum, ut quidam sapiens dicit: Amicitia tantum

constet in petendi devotione, et in sedula obsequendi voluntate. Ad hoc accedit devotio pura, quæ cogere potest, etsi absint omnia supradicta, ut ad persicendum quod petitis audacter insistam. Dum enim curam hanc mibi tanto opere indicitis, posteritatis ædificationi consultis, dum ad laudem et honorem Dei, vitam sancti confessoris ac gloriosissimi Anastasii vultis reserari, ut posteris sit ad exemplum, et ad sanctitatis ejusdem viri testimonium. Rogo ergo et obnixe supplico ut, si quid incuria parvum quæsiero, aut egestate mei ingenii prætermisero, aut rescissione dignum superaddidero, ne pigeat lectorem addere quod perspexerit additione dignum, aut rescindere quod transversi calami nota judicabitur corrigendum. Denique excusare me poterit devotio petentium, quæ, ut sape jam dixi, compulit audere quod ingenii diffidentia dissuaserat

## INCIPIT VITA GLORIOSI ANASTASII.

Gloriosissimus Anastasius confessor Dei, Venerans oriundus, secundum dignitatem hujus mundi generis clarus enituit, patre et matre non insimis ortus. Qui, ab ipsis cunabulis baptismatis unda regeneratus, a primævo studiis litteralibus a parentibus traditus est, in quibus ita curam adhibuit ut tam Græcis quam Latinis litteris omnibus ad unguem videretur imbutus. Fuit igitur clarus ingenio, doctus eloquio, ornatus moribus, amabilis omnibus, ut felices dicebantur qui tales filium genuissent. Sed quia vir Dei sapientiam hujus mundi stultitiam apud Deum esse in divinis codicibus legerat (*I Cor. 1*), et ipsam Veritatem in Evangelio dicentem audierat: Nisi quis renuntiaverit omnibus quæ possidet, non potest meus esse discipulus (*Luc. xiv. 35*); cœpit non sine divina gratia ad memoriam revocare, et idem apud se revolvore, quia grave damnum susciperet, si pro terrenis cœlestia amitteret. Hæc diu revolvens, tandem secum deliberavit quod, ut de commissis pœnitentiæ ageret, monastico habitu sese committeret. Sed quia manu missa ad aratum turpe est retro respicere, et tortum et inutile sulcum facere, voluit sanctus vir Anastasius sese primum jejunis, vigiliis, et orationibus macerare, ut sic probaret, si, suscepso monachorum habitu, in proposito gradu persistere posset, ne resiliret. Subtraxit ergo sibi primum vinum, in quo est luxuria, quarta et sexta feria cœpit jejunare, sic tamen ut aliquoties carnis vesceretur; orationi et vigiliis plerumque insistebat.

3. Cum vero hoc modo per aliquantulum temporis carnem suam refrenasset, et jam quodammodo eam in via boni propositi teneret, abjecit edulia carnium; et ita maxime vigiliis et orationibus cœpit instare ut a Dominica in Dominicam jejunaret. Sed cum aliquid iterum se sic manciparet, sic confirmatus est quod sibi visus etiam est firmus et suo proposito sufficiens. Decrevit ergo satisfacere et suum propositum perficere. Derelictis ergo parentibus, domo et cognatis, quæ ens locum idoneum, ubi monachorum susciperet habitum, ad mare Britannicum pervenit, ad locum, qui Portus Herculis (<sup>1</sup>) appellatur, qui et alio nomine, ad Montem sancti Michaelis in Periculo Maris dicitur; ubi inventa magna congregatione monachorum, in omnibus religiosis, excepto quod abbas per Simoniam subintraverat, habitum optatum suscepit. De abbatis Simonia vir Dei penitus ignorabat. Factum est autem post revolutum annum, cum sederet cum quodam fratre (<sup>2</sup>), et post sermonem habitum de confirmatione animæ, de vita sanctorum Patrum ad invicem quæ-

sto referretur, et inde diu et multum dissererent, tandem sermo directus est ad abbatem. Cognovit vir Dei Anastasius quod abbas erat Simoniacus, et per pecuniam infinitam quam dederat in abbatiam subintraverat. Unde supra modum dolens, et affirmans se diabolica fronde deceptum, quippe qui locum idoneum suo proposito quæserat, et in laqueum nefandi hostis pene ceciderat, recessit inde, et quædam insulam ingressus in ipso introitu supradicti maris, in basilica quadam Dei Genitricis Mariæ, solus manere cœpit, jejunis, vigiliis et orationibus vacans.

4. Ubi cum aliquanto tempore vita exiniæ conversationis clariusset, et fama ejus longe lateque diffunderetur, venerabilis abbas, Hugo nomine, qui Cluniaciensi monasterio eodem tempore præterat, ad revineenda [*s. revisenda*] cœnobia, exhortatione fratum, qui per diversa loca et longe remota Deo deserviebant, cum multis fratribus exivit. Unde factum est ut ad mare Britannicum perveniret; ubi audita vita et conversatione viri Dei Anastasii, misit duos de fratribus in insulam ad prædictam basilicam, et mandavit viro Dei, ut ad se gratia colloquendi exiret; de cuius enim bona conversatione audierat, eum et videre desiderabat. Qui auditio venerabilis viri abbatis adventu, cum magno gaudio exivit; quem abbas honorifice suscepit, et de vita et conversatione ejus studiose requisivit. A quo cum omnia audisset, et quomodo propter Simoniam de loco in quo habitum suscepserat exivisset, volumque ejus intellexisset, gavisus est valde super bona conversatione ejus, et quibus modis potuit in Dei servitio eum confortavit. Cuique per aliquot dies de vita et conversatione Cluniaciensem fratrum abbas multum referret, virum Dei monuit, et multum rogavit ut Cluniacum secum adiret, ubi et votum suum completere posset, et exemplum bonæ conversationis ceteris fratribus daret. Cujus petitioni vir Dei Anastasius acquiescens, cum eo iter arripuit. Cuique Cluniacum veniret, magnam dilectionem et humilitatem familiaritatem apud omnes fratres habebat; omnes unanimiter diligebat, omnes enim in Dei servitio vite sua exemplo dirigebat. Diu namque vitam mirabilem duxit, dum sese dabat exemplar bonæ conversationis. Ceteris enim fratribus signo dato ad refectorium euntibus, vir Dei ad orationem remanebat, et nocte quiescentibus cunctis surgebat, et genu flexo fere tota nocte orabat, pane et aqua contentus vivebat, et hoc etiam quasi in momento accipiebat. Seu in anno in solitudines vel in prærupa

(1) Notum est omnibus monasterium Montis sancti Michaelis, seu de Monte Tumba, ob peregrinorum frequentiam celebrissimum.

(2) Is esse videtur Robertus monachus S. Michaelis, qui rogante Anastasio (fortasse nostro) commenta-

rium in Cantica canticorum edidit. Cujus operis prologum et initia utriusque libri, in quos divisus est, habes tom. I Analectorum, pag. 125. Certe hoc ipso tempore uterque vivebat in monasterio Sancti Michaelis.

loca ad celebrandas Quadragesimas exhibat, et tunc orationibus, jejuniiis, vigiliis, flexionibus sese super modum macerabat.

5. Per idem tempus præcepto sancti patris nostri papæ Gregorii septimi, et trina persuasione venerabilis viri abbas sui Ilagonis, Hispaniam ad prædicandum Saracenis ingressus est. Ubi ad probandum certitudinem fidei Christianorum, et ad eradicandam crudelitatis duritiam Saracenorum, per rogam ardentem post celebrata missarum solemnia, transire voluit; sed Saraceni conditioni ejus noluerunt acquiescere, videlicet si hinc illarsus transiret, ad baptismi gratiam confugerent. Sed cum a cætitate et duritia cordis sui ullo modo redire nolent, excuso pulvere pedum in illos in testimonium, ad monasterium suum regressus est. Factum est autem post regressionem ejus, revoluto septenâ fere spatio, ut venerabilis abbas ad exhortationem quorundam fratrum, laicorum et nobilium, in Aquitaniam vellat exire, qui renuntiantes mundo ad habitum monachorum volebant venire. Unde factum est ut virum Dei Anastasium secum duceret; erat enim in omnibus divinis Scripturis peritus, et in exhortatione et ædificatione fratrum validus. Cumque partem magnam Aquitanie exhortando fratres peragrassent, tandem in Tolosanum pagum pervenerunt, ubi comitem Appamiae oppidi cum uxore et filiis ad conversationem monastici ordinis suscepti erant. Jam interim quoque instabat tempus quo vir Dei Anastasius in solitudinibus vel in præruptis locis Quadragesimam celebrare consueverat; unde cum multum sollicitus esset, et die ac nocte apud se tractaret, tandem Pyreneos montes in propinquis sitos ad hoc elegit idoneos, ubi et Quadragesimas celebraret, et vitæ eremitice ad tempus vacaret. Cujus precibus abbas, quia baculus et quasi columna cæterorum fratrum erat, invitus assensum præbuit. Sed quia cognoscebat constantiam ejus in servitio Dei, bonum votum nolebat morari. Coactus ergo et tristis concessit quod petebat. Cum vero ad invicem descenderent, venerabilis vir abbas flens, et cum lacrymis et singultibus in collum ejus ruens, admonebat ut sui memòr esset, pro se et pro cæteris fratribus apud Deum interpellaret et ad ultimum vale-dicens, cum cæteris fratribus ad monasterium regressus est.

6. Vir igitur Dei Anastasius, qui hoc solum desiderabat, ut suo voto satisfacere posset, cum magno gaudio ad montes iter arripuit; quibus cum approxinquaret, et jam, nullo obstante interveniente, singula loca notare posset, montem altissimum, qui Abriscola dicebatur, ad habitandum elegit, quia in ea parte qua situs erat, super alios montes eminebat. Derelicto ergo quodam fratre, quem secum habebat, ad radices montis in quadam ecclesia, solus montem ascensit, facto de frondibus satis angusto habitaculo, et altari ubi sacrificium offerret. Tunc inter diues assiduas et frigora Deo deserviebat, jejuniiis, vigiliis et orationibus multum insistebat; nihil au-

tem ad victum nisi subcinericum panem et aquam requirebat, quæ tantum sub mensura, a fratre quem sub monte reliquerat, accipiebat. Cum autem in his demoraretur et vita ejus circumquaque audiretur, cœperunt multi adire eum, et multi ad eum convenire, ut verbum vitæ ab eo audirent, et vitam ejus quam mirabiliter deducebat cognoscerent, eumque a quo divino pabulo resocillabantur temporalibus sus-tentarent. Sed vir Dei nihil prorsus ab eis ad usum corporis accipiebat, invitari [*f.*, divitari] enim a populo non quereret, qui etiam de Evangelio vivere recusabat. Quidquid ergo offerebatur, per manus quorundam fratrum erogabat pauperibus, quos bone vitæ cognoscebat, et ad hoc idoneos ducebatur.

7. Sed inter hæc, cum soli Deo placere quereret B et ad hoc toto mentis ardore flagraret, antiquus ille hostis artifex nocendi, adversarius humani generis, cœpit bonis ejus actibus invidere, et die ac nocte locum subintrandi ad nocendum querere. Sed cum nihil omnino inveniret quod in ejus actibus subripere posset, nullamque in eum potestatem haberet, machinabatur quomodo saltem de cella eum expelleret. Factum est ergo, cum quadam die post finitam orationem vir Dei Anastasius cellula exiret, et extra cum duobus fratribus qui ad eum convenerant sederet, hostis antiquus adfuit, et ignem in cellam ejus et in altare, quod ad sacrificium offerendum fecerat, posuit; sed vir Dei respiciens, cum ignem videret, insidias hostis nefandi agnovit. Unde surgens et usque ad cellam tendens, hosti ut recederet præcepit, et signum crucis opposuit igni. Ad cuius præceptum hostis recessit, et ad signum crucis extinctus est ignis. Quod cum auditum circumquaque referretur, tunc maxime cœperunt ad eum indigenæ fere omnes convenire, et orationi ejus se commendare, de commissis eliam ab eo querere poenitentiam; fere enim per triennium quo mansit in eremo, tot ad eum concurrebant, quod plerumque omnes montes in circuitu cereis resplendere videbantur, qui ante cellam ejus a venientibus ascendebantur. Sæpe etiam venientibus dixerat se esse indignum ad quem venirent, se esse monachum a quo poenitentiam quererent, et non habere se licentiam prædicandi, nec poenitentes suscipiendi; D sed quid hoc proderat, cum tamen confessissime venirent, et lacrymis et precibus eum ad prædicandum excitarent?

8. Sed cum Deus laborem ejus vellet remunerare et ab ergastulo carnis eum evocare, ut major esset corona, voluit temporalem vitam ejus finiri in obedientia. Factum est ergo ut vir venerabilis, abbas supradictus Cluniacensis ecclesiæ, desiderio videndi fratrem flagraret, cum quantum præsentia ejus fratribus cæteris præstabat, quantumque vita ejus eos confirmabat, tantum ejusdem absentiam recognosceret; unde hujusmodi epistolam per manus quorundam fratrum ei direxit, quæ eum ad monasterium fratrum cæterorum revocavit. «Dilectissimo filio Anastasio, frater Hugo peccator, salutein, et in bea-

431 APP. AD VITAM S. ANASTASII. —

tam resurrectionem, gloriosam electorum societatem. Miror, charissime fili, quod jam diu de vobis nihil audivi, nullamque de vestra vita cognitionem accepi: unde mando vestrae dilectioni ut, si bonum videtur vobis, descendatis ad visitandos fratres, ut, sicut dixi, desiderabilis praesentia vestra corroboret et exhortetur eos (3) . . . Bene valete, et pro fratribus orate. » Vir autem Dci Anastasius, accepta epistola beati Patris sui abbatis, gavisus est valde; et Deo gratias referebat quod eum dignaretur ad fratres nos revocare.

9. Egressus itaque eremo, pervenit usque ad locum, qui dicitur, Ad Verum Corpus beati Antonini martyris, qui alio nomine nuncupatur Fredelas, ubi cum rogaretur a populo ut corpus beati martyris in locum novum reponeret, et ad petitionem eorum se prepararet, oblatus est ei infirmus, qui jam longo tempore vexabatur a febribus; ipse vero cum aqua benedicta quam sanctis leaverat eum aspersisset, et signum crucis fronti ejus affixisset, ita sanus effectus est ac si nunquam infirmitatem sensisset. De eadem aqua benedicta quoscunque aspersit, a quaunque infirmitate detinebantur sanitati restituit.

10. Cum igitur de egressione ejus fama audiret, factus est undique concursus populi, qui dolebant et plangebant se relinquere a tanto Patre, in tribulatione consolatore, in adversis protectore; eumque lacrymis et fletibus deprecabantur, ne eos derelinqueret quos fovere consueverat, quos pabulo divini verbi refocillare non neglexerat. Sed vir Dei, cuius laboris merces iam instabat, ut per obedientiam, sicut supra diximus, ejus accresceret corona, revocanti se Patri suo abbatii obedire volebat; nec infirmitas febrium, qua graviter detinebatur, eum ab hoc revocare poterat. Post allocutionem ergo divinæ admonitionis et exhortationis recedens, pervenit usque ad locum, quem Devotas appellant, ubi, iam invalecente infirmitate febrium, cœpit graviter ægrotare, in tantum ut hoc morbo certus esset de corporis sui resolutione. Unde cum ad mitigandum dolorem, aliquantulum rogaretur quiescere et ad refrigerandum se balneare, sibi abnegavit ultrisque, subjungens etiam quia, ex quo conversionem monasticam noverat, nullo balneo usus erat, nec etiam ad lavandum pedes aut caput aquam dederat. Sui igitur stadii cursu consummato, percepturus justitiae coronam in consortio sanctorum, monachus, eremita, et confessor, xvii Kalendas Novembbris,

DE INVENT. CORPORIS S. ANASTASII. 432

A migravit ad Dominum. Sacrum vero corpus ejus honorifice in basilica Beati Martini ibidem est reconditum; ubi ad sanctitatis ejus testimonium, ad tumulam ejus, operante Deo, creberreme miracula multa sunt. Sed, ne videamur ingerere fastidium, si per singula discurramus, ex ordine, prætermisis multis, pauca conemur explicare.

11. Virgo quædam a tribus dæmonibus possessa tenebatur, qui in tantum eam vexabant quod etiam mutam reddiderant. Ducta est per multa sanctorum loca, ut sanitatem recuperaret; et dæmonia tandem responsum dederunt quod ab obsesso corpore non egredierentur, nisi ad corpus beati Anastasii confessoris supradicti deducerentur. Qui ergo eam ducebant dixerunt intra se ubi inventirent, et requisiuerunt B locum in quo sancti corpus requiesceret; adhuc enim ignorabatur a pluribus quod de mundo nuper migrasset. Cum ergo audissent quod ad basilicam beati Martini Devotis esset reconditum, ligatam cum funibus illuc deduxerunt. Quibus ad locum appropinquantibus, dæmones vociferantes clamabant: Cur nos incendis, Anastasi? cessa cruciari, et exhibimus; cessa flagellare, et ab obsesso corpore recedemus. Per multa corpora sanctorum ducti sumus, et a nullo sic flagellati recessimus; tu solus nos incendis, tu solus cruciaris, tu solus noces nobis. Trahentes ergo eam cum manibus in ecclesiam impulerunt, et juxta tumulam beati confessoris extenderunt. Omnes autem qui aderant genu flexo cum lacrymis deprecabantur ut Deus dignaretur ostendere astantibus virtutem suæ clementiae, et ad testimonium sanctitatis sui confessoris dignaretur illam liberare. Vix orationem compleverant, et ecce dæmones ab illa puella exierunt; surgens vero recte loquebatur, et liberata se nihilque mali perpeti testabatur.

12. Mulier etiam, quæ septem annis in cæcitate permanserat, cum illuc deduceretur et post perfectas vigilias noctis stare ante tumulam sancti Confessoris, cum in ipsa celebratione Evangelium legeretur, visum recepit. Quidam vero clericus qui phrenesi laborabat, ad eumdem locum deductus est catenis astrictus et funibus, ad recuperandam sanitatem. Ilic quoties motio cerebri sui accidebat, si quem arripere poterat, dentibus et unguibus atrectabat; qui cum tribus vigiliis ante tumulam beati confessoris degisset, sanitatem recepit, et liber ab omni phrenesi recessit, nec postea aliquid pristinæ infirmitatis sustinuit.

## APPENDIX AD VITAM S. ANASTASII

### DE INVENTIONE CORPORIS S. ANASTASII

43. Notum, manifestum et certissimum, secundum relationem fide dignorum procerum loci sancti Mar-

(3) Ilic desunt aliquot verba quæ legi non potuerunt.

tini de las Devotas, est quod corpus sancti Anastasii, quod fuit ignotum et inscitum ubi jacebat, fuit